

- Und e ein vierteil stunt vergieng,
 ein hader sich bei in anfieng
 von wegen einer umbeschanz.
 So wurden sie entrüstet ganz,
 45 zuckten von leder sie allsamen
 und hauten da mit kreften zamen,
 jagten einander hin und wider
 in dem himel da auf und nider.
 Sanct Peter disen strauß vernum,
 50 kam, zant die lantsknecht an darum.
 Sprach: wolt ir in dem himel balgen?
 hebt euch hinaus an liechten galgen!
 Die lantsknecht in tückisch ansahen
 und teten auf sanct Peter schlagen,
 55 das in sanct Peter must entlaufen,
 zum Herrn kam mit echzn und schnaufn
 und klagt im über die lantsknecht.
 Der Herr sprach: dir gschicht nit unrecht.
 Hab ich dir nit gesaget heut:
 60 laß sie drauß, es sint freche leut?
 Sanct Peter sprach: o Herr, der ding
 verstund ich nit, hilf das ichs bring
 hinaus, sol mir ein witzung sein,
 das ich kein lantsknecht laß herein,
 65 weil sie sint so mutwillig leut.
 Der Herr sprach: eim engel gebeut,
 das er ein trumel nem zu hant
 und für des himels pforten stant
 und einen lerman darvor schlag.
 70 Sanct Peter tet nach seiner sag.
 Balt der engel den lerman schlug,
 lossen die lantsknecht on verzug,
 eilent aus durch das himelstor,
 meinten, ein lerman wer darvor.
 75 Sanct Peter bichloß die himelporten,
 versperret die lantsknecht an den orten.
 Der keiner seit hinein ist kummen,
 weil sanct Peter tut mit in brummen.
 Doch nemt auf schwankweis dis gebicht,
 80 wie Hans Sachs on als arges spricht.

50 zannen, knurren. — 65 lerman, Lärm, Geschrei, hier Kriegslärm.

